

SCRIPT OF EVENING GOJRI NEWS BULLETIN 22FEB 2025

1700HRS

اوننگ گوجری نیوز بولٹین 22 فروری 2025

یوہ آکاشوانی جموں بے نصرت تے محمد اکرم تیں خبر سُنو۔

HEADLINES

۱۔ بھارت تے پاکستان غی فوج نے فروری ۲۰۲۱ غا جنگ بندی معاہدہ غی پاسداری ور اتفاق کیو۔ تے آئندہ غلط فہمی تیں بچن واسطے اقدامات تلاش کرن غو فیصلو کیو۔

۲۔ وزیر اعلیٰ عمر عبداللہ نے کہیو حکومت جموں کشمیر غی ترقی تے عوامی سہولیات نانہ بہتر بنان واسطے وعدہ بند ہے۔

۳۔ مرکزی وزیر ڈاکٹر جتندر سنگھ نے جموں مانہ سی ایس آئی آر آئی آئی ایم قومی سٹارٹ اپ تقریب غو افتتاح کیو تے کہیو بھارت دنیا مانہ نوا کاروبار غا نظام مانہ تیجا نمبر ور پُچ گپو ہے۔

۴۔ وائیٹ نائیٹ کاپس غا کمانڈر لیفٹیننٹ جنرل غی سربراہی مانہ ایک حفاظتی اجلاس ہوو۔

۵۔ وزیر اعظم نریندر مودی پلک سویرے ۱۱ بجے آکاشوانی ور من غی بات مہینہ وار ریڈیو پورگرام مانہ اپنا خیالات غو اظہار کریں غا۔

INIDA PAK ARMIES

جموں کشمیر مانہ گزشتہ روز بھارت تے پاکستان گی فوجاں غا نمائینداں نے فروری ۲۰۲۱ غا جنگ بندی معاہدہ نانہ برقرار رکھن تے آن آلا ویلا غی غلط فہمیاں نانہ روکن واسطے اقدامات تلاش کرن ور اتفاق کیو اس سلسلہ مانہ قبضہ لکیر تے بین العقوامی سرحد ور چل رہی جڑھپاں تے آئی ای ڈی غا واقعات تیں بعد کشیدگی نانہ کہن کرن واسطے دواں ملکاں گا برگڈ کمانڈراں نے ضلع پونچھ مانہ فلیگ میٹنگ کی۔ چکاں دا باغ رائے ملن ور منعقد ہون آلی ۵۷ منٹ گی میٹنگ مانہ امن تے استحکام نانہ برقرار رکھن ور توجہ مرکوز کی گئی۔ دواں فریقان نے جنگ بندی گی اہمیت ور زور دتو تے کشیدگی نانہ کہن کرن واسطے مواصلاتی زرائع سنگ فاندو چان ور اتفاق کیو جس سنگ سرحدی رہائیشاں نانہ راحت لیے گی۔

CM BRIDGE INAGURATION

وزیر اعلیٰ عمر عبداللہ نے اج گاندربل غا کنگن مانہ دریائے سندھ ور طویل انتظار تیں بعد مکمل ہون آلو اہم اکھل پُل غو افتتاح کیو۔ اس موقع ور وزیر اعلیٰ نے جموں کشمیر مانہ ترقی تے عوامی سہولیات نانہ بہتر بنان واسطے حکومت غا عزم نانہ دہرایو۔ انہاں نے کہیو کہ یوہ نوو پُل مقامی لوکاں واسطے آمدرفت نانہ آسان بناوے غو تے علاقہ مانہ بہتر رابطہ کاری مانہ مددگار ثابت وے غو اس منصوبہ نانہ علاقائی ترقی واسطے ایک اہم قدم کہیو ہے جہیڑو سفر نانہ آسان بنان تے مختلف علاقان نانہ جوڑن مانہ اہم کردار ادا کرے غو۔ مقامی لوکاں نے خوشی غو اظہار کرتا واں حکومت غو شکریو ادا کیو تے اس طرح کہیو۔

JITENDER SINGH CSIR IIIM

جموں غا گورنمنٹ وومن کالج گاندھی نگر مانہ مرکزی وزیر ڈاکٹر جتندر سنگھ نے ۲ روزہ سی ایس آئی آر آئی آئی قومی سٹارٹ اپ تقریب غو افتتاح کیو۔ اس موقع ور زرائع ابلاغ نال گل کرتا وان ڈاکٹر سنگھ نے کہیو کہ بھارت مانہ نوا کاروبار غا رجحان مانہ زبردست ترقی ہو رہی ہے۔ صرف ۰۱ براں مانہ نوا کاروبار کی تعداد مانہ اضافو ہوو ہے۔ جہیڑو ۰۵۳ تیں بدھ غے ۱ اشاریہ ۵۷ لکھ تک پُج گیو ہے۔ انہاں نے کہیو کہ اس شاندار کامیابی غی بدولت بھارت دنیا مانہ نوا کاروبار غا نظام مانہ تیجا نمبر ور پُج گیو ہے جہیڑی ملک واسطے ایک بڑی کامیابی ہے۔ زرائع ابلاغ نال خطاب کرتا وان مرکزی وزیر ڈاکٹر جتندر سنگھ نے اس طرح کہیو۔

SAMBA CRIMINALS

ضلع انتظامیہ سانہ نے ترقیاتی کمشنر راجیش شرما غی قیادت مانہ ڈی سی آفس کمپلیکس سانہ نوا قوانین ور آگاہی پروگرام غو انعقاد کیو۔ اس پروگرام مانہ بھارتیہ نیای سہیتا بھارتیہ ناگرک سورکشا سہیتا تے بھارتی سکشیہ ادھنیم قوانین ور روشنی کھلی گئی۔ یے نوا قوانین اصلاحی انساف غا تصور نانہ فروغ دین آلا ایک ترقی پسند قانونی ڈھانچو فراہم کرے۔ اس موقع ور ڈی سی سانہ نے کہیو کہ عوامی شعور بیدار کرنو ان قوانین غا موثر نفاذ واسطے نہایت ضروری ہے تانجے قانونی طور ور باختیار معاشرہ بنایو جے۔ اس سلسلہ مانہ گل کرتا وان ڈی سی سانہ نے اس طرح کہیو۔

ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد ۴۲ براں تے ۰۵ براں توڑی مقرر کی گئی ہے پی ٹی سی غی اس پوسٹ واسطے تعلیمی قابلیت پی جی ڈپلمو یا صحافت غا شعبہ مانہ ڈگری یا پھر تسلیم شدہ یونیورسٹی تیں گرجویشن غے ہمراہ ۲ براں گو صحافت مانہ تجربو مقرر کیو گیو ہے۔ اس تیں علاوہ کمپیوٹر تے وڈ پروسیسنگ نالے خبر اکٹھی کرن آلا آلات نے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں ۰۱ کلو میٹر غ ادائرہ غے اندر رہائش پزیر وے اس سلسلہ مانہ درخواست غی ہاڈ کاپی ضروری دستاویزات غے ہمراہ ہیڈ ريجنل نیوز یونٹ آکاشوانی پنجترتھی جموں مانہ بزات خود آئیندہ ۷ مارچ ور www.newsonair.gov.in توڑی دے سکیں۔ اس بارے مزید جانکاری ویب سائٹ دستیاب ہے۔

SECURITY REVIEW

اج جموں مانہ وائیٹ نائیٹ کاپس غا کمانڈر لیفٹیننٹ جنرل نوین سچ دیوا غی سربراہی مانہ ایک سکیورٹی اجلاس ہوو اس مانہ خفیہ ایجنسیاں جموں کشمیر پولیس تے سی آر پی ایف غا نمائندہ شامل تھا۔ اجلاس غو مقصد دستہ غے درمیان اچھو رابطو تے ہم آہنگی پیدا کرنو تھو تانجے سکیورٹی مثالں گو بہتر حل کڈیو جاسکے۔ یاہ میٹنگ علاقہ مانہ امن قائم رکھن تے حالیہ دہشت گرد حملات تیں بعد سکیورٹی نانہ مزید مضبوط بنان واسطے منعقد کی گئی۔

PM MKB

وزیر اعظم نریندر مودی ۳۲ فروری ناں آکاشوانی ور من غی بات پروگرام مانہ ملک تے بیرون ملک مانہ رہ رپیا لوکاں سنگ اپنا خیالات سانجہ کریں گایاہ مہینہ وار ریڈیو پروگرام غی ۱ سو ۹۱ ویں قسط وے گی۔یوہ پروگرام آکاشوانی تے دور درشن غا پورا نیٹ ورک اے آئی آر خبراں گی ویب سائیٹ تے نیوز آن اے آئی آر موبائل ایپ ور وی نشر کیو جے گو۔اس تیں علاوہ مذکورہ پروگرام اے آئی آر نیوز ڈی ڈی نیوز وزیر اعظم گا دفتر تے وزارت اطلاعات و نشریات غا یو ٹیوب چینلاں ور وی مجازی طور چلایو جائے گو۔آکاشوانی اس پروگرام نانہ ہندی نشریاتی تیں ٹھیک بعد علاقائی زبانان مانہ نشر کرے گو۔

SNOW MELA

کشتواڑ گا ترقیاتی کمشنر راجیش کمار شرون نے کہیو کہ مرکزی حکومت غا منصوبہ عوام غی معاشی تے سماجی ترقی مانہ اہم کردار ادا کر رہی ہے۔ان سکیمیاں غو مقصد عوام غی زندگی نانہ بہتر بنانو ہے۔ تانجے ہر فرد ترقی غو حصو بن سکے۔ انہاں نے مزید کہیو کہ بیٹی بچاؤ بیٹی پڑھاؤ مشن یووا نشاہ مکت بھارت ابھیان تے سوچہ بھارت ابھیان جیسا پروگرام عوامی فلاح و بہبود واسطے بے حد ضروری ہیں ان سکیمیاں غے زیرے نہ صرف عوام نانہ فائدو پُج رہیو ہے۔ بلکہ ضلع غی مجموعی ترقی مانہ وی باہدو ہو رہیو ہے۔ اس سلسلہ مانہ گل کرتا وان ڈی سی کشتواڑ نے اس طرح کہیو۔

DC UDH FESTIVALS

ڈپٹی کمشنر ادھمپور سلونی رائے ایس ایس پی امود اشوک ناگپورے تے دیگر ضلع افسران نے عوامی معاشرہ غ انمانندہ سنگ مقدس تہوار مہاشیو راتری تے رمجان شریف گی تقریبات نانہ یقینی بنان واسطے جائیزو لین غا سلسلہ مانہ شہر گو دورو کیو۔ مذکورہ جائزہ مانہ مقدس تہواراں گے دوران بازاراں مانہ بیڑہ باڑہ غا طور طریقہ واسطے انتظامات گو جائیزو لین ور توجہ دتی جس گو مقصد عوام گی تکلیف نانہ کھٹ کرنو تھو۔ اس سلسلہ مانہ عہد نے داراں نے سہولیات گی کمی آلا علاقان گی وی نشاندہی کی تے ان گی بہتری گی ضرورت ور وی لو کہلی۔اس سلسلہ مانہ آکاشوانی غا خبراں آلا شعبہ سنگ بولتا وان ڈپٹی کمشنر ادھمپور سلونی رائے نے اس طرح کہیو۔
